



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessio Doctrinae Saxoniarvm Ecclesiarvm, Scripta
Anno Domini M. D. LI. Vt Synodo Tridentinae Exhiberetvr**

Melanchthon, Philipp

Lipsiae, 1554

VD16 C 4808

De Satisfactione.

urn:nbn:de:hbz:466:1-35345

ut suprà dictum est. Ac redire ad scelera,
est excutere Deum, & rursus amittere iu-
1. Ioan. 3 sticiam & uitam, sicut Ioan. inquit: Qui
facit iusticiam, iustus est: Qui facit pecca-
tum, ex diabolo est.

*Recitauimus autem suprà, summam doctrinæ
de noua obedientia.*

DE SATISFACTIONE.

Quale uero chaos sit doctrinæ de Sa-
tisfactionibus, quas nominant ope-
ra indebita, indicta ab Ecclesia, longum
esset recensere, & pauci ante hęc tempora
intellexerunt. Non dubitamus autem, in
Ecclesijs nostris & totam hanc partem ue-
rè & perspicue expositam esse. Fuit mos
primis patribus, eos qui homicidijs, ido-
lis, aut incestis libidinibus polluti fuerūt,
arcere à sua consuetudine, & præcipue à
sacrificijs. Hunc morem & Synagogare-
tinuit, & retinuerunt in Asia & Græcia,
aliæ gentes non prorsus efferæ. Interea
polluti uagabantur, circundati signis re-
atus: ut uagati sunt Orestes, Adraustus, &
alij multi. Hunc morem initio & Ecclesia
retinuit. Pollutos arcebat à communio-
ne.

ne. Deinde agentes pœnitentiam, ut intel
ligi posset, serio eos petere ueniam, & ut
exemplum alijs prodesset, non subito reci
piebat, sed aliquot diebus absolutio diffe
rebatur, ut publicè petentes conspiceren
tur. Ita Corinthius incestus arcetur, & po
stea non sine deliberatione recipitur.
1. Cor. 5

Hic totus mos exempli cauſsa institu
tus est, & politicus est, nihil omnino perti
nens ad remissionem peccatorum. Creuit
autem deinde superstitione, ut indiceren
tur ieiunia, abstinentia à coniuge multis
annis. Hæc onera cum nimiū creuissent,
Episcopi rursus ea laxarunt. Hæc laxatio
talium rituū, nominabatur Indulgentia.

Harum rerum historiā cum monachi
non considerarent, finixerunt fieri com
pensationem pœnæ æternæ in pœnas pur
gatoriū, & in alias pœnas huius uitæ. Et
addiderunt, satisfactiones indici ab Eccle
sia, ut illæ pœnæ mitigateur. Et quidem
oportere satisfactiones esse opera non de
bita lege Dei. Has fabulas monachorum,
quas ne ipsi quidem intellexerunt, reijci
mus, & retinemus regulas firmissimas:
Pœnæ æternæ simul cum culpa remittun

G 4 tur

tur propter filium Dei, non propter ulla
Hof. 13 nostras compensationes, iuxta illud: O

mors, ero mors tua: ô inferne, ero pestis

Rom. 5 tua. Item: Iustificati fide, pacem habemus.

Secundò: Dicimus opera indebita, de
quibus isti loquuntur, non esse cultus Dei,
aut compensationes, sed pertinere ad hoc
Mat. 15 dictum: Frustra colunt me mandatis ho-
minum. Et certè potestas clavium non ha-
bet mandatum indicendi tales pœnas.

Dicimus etiam, hanc applicationem
Indulgentiarum, qua Papa alijs applicat
merita sanctorum, commentitiam esse: &
Indulgentias olim nihil aliud fuisse, nisi la-
xationes Canonum, quæ nihil pertine-
bant ad eas compensationes, de quibus
monachi loquuntur.

Aliud autem est, loqui de satisfactio-
ne debita: ut de restitutione furti, usura-
rum, alienæ coniugis, famæ. Hæc restitu-
tio est opus debitum, pertinens ad no-
Eph. 4 uam obedientiam, ut Paulus inquit: Qui
furatus fuerat, iam non furetur. Qui re-
tinet alterius coniugem, nec contrito-
nem, nec fidem, nec nouam obedientiam
habet. Nec miscenda sunt illis nænij satisfactio-

tisfactionum Pontificiarum , præcepta
Dei de restitutione debita, quam dicimus
esse faciendam.

Fatemur & hoc, plurimas horrendas
pœnas in hac uita uagari per Ecclesiam,
per imperia, per familias, propter certa de-
licita multorum hominum, etiam electo-
rum: ut seditio mota contra Dauidem,
non leuiter afflixit totam illam politiam,
& multas sanctas familias.

Discernimus igitur pœnam æternam,
& pœnam huius uitæ. Et dicimus, pœnæ
æternam, tantum propter filium Dei re-
mitti, cum fide iustificamur & uiuifica-
mur. Etsi autem & pœnæ temporales,
præcipue propter filium Dei mitigantur,
qui est umbraculum Ecclesiæ, quia mag-
nitudinem iræ Dei hæc infirma natura su-
stinere non posset, sicut Daniel orat: Pro-
pter Dominum exaudi nos, & respice no-
strum exilium &c.

Tamē & hoc docemus, propter ipsam
conuersiōem quoq; mitigari pœnas: quia
in sanctis promissiones legales additæ
operibus, non sunt irritæ, sed habent sua
præmia: qualis est, Date, & dabitur uobis.

G 5 Et

2. Cor. 11 Et cum Paulus inquit: Si iudicaremus nos ipsi, non iudicaremur. Loquitur de tota pœnitentia, non de illis uanissimis umbris, quas disputant etiā ualere si quis relapsus sit in peccatum mortale.

Excogitantur autem in hac materia nouæ prestigiæ. Fatentur satisfactiones non esse compensationes, sed dicunt admittendas esse satisfactiones castigatorias, sicut *1. Cor. 5* Paulus Corinthium punit. Ea castigatio erat excommunicatio, et fatemur reos manifestorum scelerum, legitimo iudicio & ordine excommunicandos esse, nec est inane fulmen iusta excommunicatio.

Sed tamen potestas Ecclesiæ non punit nisi corporali, carcere, aut inedia, tantum pronunciat sententiam. Carcer & supplicia publica ad politicos gubernatores pertinent.

Tanta est autem peruersitas quorundam, ut quanquā euidentia ueritatis convinci se intelligent, tamen querant sophismatum ludos, ne si cederent, prodidisse socios existimentur. Deus, qui est inspecto cordium, scit nos simplici studio ueritatem quæsiuisse.

DE